

Arahan: Baca dengan teliti petikan karangan di bawah ini dan jawab semua soalan yang mengikutinya. Berdasarkan petikan karangan di bawah, pilih jawapan yang paling sesuai bagi setiap butiran berikut.

Pada zaman dahulu, raja yang memerintah sebuah negeri baru saja dikurniakan seorang puteri. Puteri baginda terlalu cantik parasnya. Semasa kelahiran puteri tersebut ramai pari-pari yang datang membawa hadiah yang indah. Salah satu hadiah yang dibawa ialah tiga biji bola kecil yang comel.

Tuan Puteri sangat disayangi rakyat jelata. Apabila besar dia menjadi seorang puteri yang berbudi bahasa selain memiliki rupa paras yang sungguh menawan. Dia tidak sombong dengan dayang-dayangnya dan semenjak kecil Tuan Puteri itu asyik bermain-main dengan tiga biji bola hadiah sewaktu dia dilahirkan. Semua orang tahu dia cekap bermain dengan tiga biji bola itu.

Pada suatu hari, sedang Tuan Puteri asyik melambung-lambungkan bola-bola kesayangannya dia terserempak dengan Dara, anak tukang kebun istana yang sedang menangis teresak-esak.

Puteri raja itu menghampiri Dara dan bertanya perlahan, "Wahai Dara, mengapakah kamu menangis?"

"Ampun tuanku," jawab Dara lagi sambil teresak-esak.

"Hamba akan dikahwinkan dengan buah hati hamba esok, tetapitetapi...."

21. Raja yang memerintah sebuah negeri baru mendapat _____.

- A seekor kuda putih
- B sebiji bola
- C seorang cahaya mata
- D sebuah rumah

22. Cahaya matanya seorang anak _____.

- A jantan
- B perempuan
- C lelaki
- D betina

23. Antara hadiah yang diperolehi semasa puteri dilahirkan ialah _____.

- A Basikal yang mempunyai muzik
- B Anak patung puteri yang comel
- C Tiga biji bola kecil yang comel
- D Mainan alatan memasak yang lengkap

24. Apabila besar dia menjadi seorang puteri yang _____.

- A jahat
- B sombong
- C berbudi bahasa
- D mengomel

25. Dara adalah _____.

- A anak tukang kebun istana
- B anak nelayan
- C anak raja
- D anak menteri